

Broj: 03-30/11-461/22 AG
Sarajevo, 05.05.2022. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
n/r gosp. Hadis Jusić, delegat

PREDMET: Odgovor, dostavlja se

Poštovani,

Federalnom ministarstvu rada i socijalne politike je putem Ureda Premijera Federacije Bosne i Hercegovine, aktom broj: 01-30-62-13/22 od 20.04.2022. godine, dostavljen Vaš zahtjev za dostavu informacije u vezi sa molbom Sindikalne organizacije Sudske policije Federacije Bosne i Hercegovine.

S tim u vezi, sa aspekta nadležnosti Federalnog ministarstva rada i socijalne politike, obavještavamo Vas da se Sindikalna organizacija Sudske policije Federacije Bosne i Hercegovine obratila ovom ministarstvu aktom broj: 03-28/21 od 07.02.2022. godine, kojim je u vezi sa Odlukom Ustavnog suda Bosne i Hercegovine od 23.09.2021. godine ("Službeni glasnik BiH", broj: 63/21), zatraženo da ovo ministarstvo preduzme aktivnosti na propisivanju visine naknade za pasivno dežurstvo, odnosno pripravnost za rad, za zaposlene u federalnim organima uprave i federalnim institucijama, s obzirom da je, kako je navedeno, pomenuta odluka primjenjiva i na zaposlene u federalnim organima i institucijama. Postupajući u skladu sa zaprimljenim dopisom, ovo ministarstvo je, sa aspekta svoje nadležnosti, sačinilo odgovor broj: 03-30/11-461/22 AG od 21.02.2022. godine, kojim je Sindikalna organizacija Sudske policije Federacije Bosne i Hercegovine obaviještena da je odredbom člana 35. st. 1. i 2. Zakona o radu („Službene novine Federacije BiH“, br. 26/16 i 89/18), propisano da je radno vrijeme vremenski period u kojem je radnik, prema ugovoru o radu, obavezan obavljati poslove za poslodavca, a da se radnim vremenom ne smatra vrijeme u kojem je radnik pripravan odazvati se pozivu poslodavca za obavljanje poslova, ako se ukaže takva potreba. U stavu 3. iste odredbe propisano je da se vrijeme pripravnosti za rad i visina naknade za vrijeme pripravnosti uređuje kolektivnim ugovorom, pravilnikom o radu i ugovorom o radu. Shodno navedenom, Zakon o radu daje definiciju instituta

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 09-05-2022			
Org. jed.	Broj	Priloga	Vrijednost
05/2	-02-	165	122

pripravnosti u smislu vremena u kojem je radnik pripravan odazvati se pozivu poslodavca za obavljanje poslova, ali istovremeno, u pogledu utvrđivanja vremena pripravnosti, te visine naknade za vrijeme pripravnosti upućuje na odgovarajući kolektivni ugovor, pravilnik o radu ili ugovor o radu.

S obzirom da se na plaću i druge naknade zaposlenih u federalnim organima i institucijama, te na obračun plaća i naknada, primjenjuju posebni propisi, Sindikalna organizacija Sudske policije Federacije Bosne i Hercegovine je obaviještena da realizacija navedenih aktivnosti nije u nadležnosti ovog ministarstva, te da se u vezi sa pitanjima iz akta od 07.02.2022. godine, navedena Sindikalna organizacija može obratiti Federalnom ministarstvu pravde, odnosno Federalnom ministarstvu finansija.

S poštovanjem,



CO: Ured Premijera Federacije Bosne i Hercegovine
n/r gosp. Sead Lisak, direktor
(veza: Vaš akt broj: 01-30-62-13/22
od 20.04.2022. godine)